



DESISEN BLONG KOT

Long Aelan Kot blong Malekula

Civil Keis 06 of 2007

Bitwin: Johnsen Frasher blong Uripiv (olsem Kleiman)

**Mo: Jessel Reganvanu
Wilson Malsets
Marklin Malburi
William Muramur
Terry Kenneth
Jimmy Aisen
Family Malisa
Danrum Longga
Jepeth Ores
Family Timothy
Bongnmal
Family Veremaito
Family Malsale
Simeon & Wilson
(Olsem ol Counter Claimant)**

**Coram: Jastis Maxwel Arhampath
Jastis Gren Obediah
Jastis Freddy Malress**

Clerk: Wendy W. Raptigh

Long Kot igat evri claimants oli stap except Wilson Malsets.
Tudei Court isummon ol claimants blong review long wan direction Order we ikamaot long 22nd October, 2010.

Direction Order emi blong:

Evri claimant imas;

1. go bak long wan wan nasara long Uripiv island mo finem paramount jif blong em (sapos igat nid se case imas kam before island court then oli mas kam pem fee)
2. mekem arrangement blong ol paramount jif blong wanwan nasara ia oli mekem election mo appointem wan ovarall paramount jif blong Uripiv island
3. mekem sua se paramount jif blong Uripiv we oli electem bae iserve 3 years nomo afta election blong wan nara paramount bakeken, inorder blong mekem ifair se wanwan nasara igat janis blong holem taetol olsem paramount jif blong Uripiv island



4. mekem sua se whu ia oli appointem em olsem paramount jif imas representem evri inhabitants blong Uripiv island long eni events or occasion long 3 year period we emi holem taetol ia
5. mekem sua se paramount Jif imas wok long interest blong ol man Uripiv be bae ino from own personnal interest blong em nomo
6. follem ol direction orders ia bifo end blong January, 2011.

Court iaskem spos direction order ia ibin complied with or no gat?

Mr. Wenjio Tamau igivim wan minit long Court mo brief report long wanem oli mekem. Long 15th December, 2010 fes attempt we interim committee oli singaot blong gat fes miting between ol claimants. Long taem ia 5 claimants nomo oli present so miting ino save tekem ples. Nao interim committee oli agree mo putum wan nara date igo long 20th January, 2011. Each parti ibin served long notis blong kam long miting long 20th January, 2011.

Long 20th January, 2011 ol claimants present igat Reganvanu, Malburi, Malisa, Bongmal, Family Veremaito, Family Malsale mo Danrum Longga. Agreement istap se election bae emi wan secret ballot.

Turn out blong miting long taem ia, Paramount Jif – Toni Ria (Danrum Longga), Vice Paramount – Young John Reganvanu, Secretary – Kalfau Malisa and Treasurer – Karongon Timothy.

Court ibin givim smol taem long ol claimant blong givim smol toktok spos oli agri long result blong miting ia olsem we istap.

Original claimant – Johnsen Frasher emi disagree wetem miting ia we ibin held long 20th January, 2011 eventhough emi karem notis blong date blong miting. Emi se emi no present long taem ia from Kot italem se go out finemaot be ino talem se go out mo electem paramount Jif. Emi still stap stanap se emi blad blaen mo emi no save comply wetem Order wei kamaot long Kot. Emi se emi no agri long election.

Terry Kenneth – Emi talem se emi no stap long miting eventhough emi karem notis from se emi stap wait se bae Original claimant bae isingaotem wan miting blong nasara Potun be ineva mekem. No matter emia be bae emi agri wetem eni decision we Court ia bae imekem.

Muramur – Emi no agri blong go long miting from emi nomo gat trust long Council of Jifs blong Uripiv. Igat tumas kiaman long Kot.

Jimmy Aisen – Emi no go from emi harem rumours se igat plan aotsaed finis blong whu ia bae oli putum istanap olsem Paramount Jif.

Ibin gat sam nara claimants oli complaint abaot dispute within all family nomo (family Lonnga) be Kot itekem se emi no relevant long review ia.



Malisa – Emi talem se wanem we ikamout long miting ia emi soem clearly se Direction Order blong Kot ol claimant oli comply wetem even thou sam oli refuse blong kam be from emi Order blong Kot. Emi talem tu se ol family disputes, mo nasara disputes we istap arise nao ia bae emi wok blong newly elected Paramount Jif ia nao wetem ol committees blong em bae oli sortem out.

Kot inote se itru direction Order blong Island Court ol claimant oli follem. Court inotem se manis December mo January emi ol bisi manis blong yumi especially ol Christmas mo New years celebrations then ilid go long preparations blong putum ol pikinini igo bak long ol skuls, no matter emi ia, yet ol claimants oli mekem effort mo turn out emi wan success. Nating we sam ol claimant ino stap long miting ia Kot ino acceptem ol excuses blong ol. Court ibiliv se igat enaf taem from 22nd October, 2010 ikam kasem end blong January, 2011 blong ol nasara oli finem ol Jif blong ol afta mekem election blong paramount blong Uripiv.

Court inote se sam long ol claimants ia oli no wantem nomo blong follem direction Order blong Kot blong attendem miting long Uripiv.

ORDER: Kot emi stanap tedei blong talemaot se Kot iacceptem decision we imade long Uripiv Island concernem election blong paramount Jif. Kot istap declarem Paramount Jif igo long Toni Ria mo Vice Paramount igo long Young John Reganvanu.

Additional Orders se Paramount Jif imas;

1. served olsem wan Paramount blong 3 years term nomo afta bae imas gat re-election
2. mekem sua se olgeta blong mekem ol next election imas wanwan Jif blong wan wan nasara long Uripiv Island
3. representem evri inhabitants blong Uripiv island long eni events or occasion long 3 year period we emi holem taetol ia
4. mekem sua se emi wok long interest blong ol man Uripiv be bae ino from own personnal interest blong em wan nomo.

Eni claimant igat raet blong appeal insaed long 30 days period.

Emia emi Order blong Kot.


Dated long Lakatoro long 29th March, 2011.



Jastis Maxwell A



Jastis Gren O



Jastis Freddy M

